

閑吟

自哂這風狂因何喜和光隨緣消舊業無復造新殃意馬須牢繫心猿切緊防道修如急急日日得馨香

歎骷髏

此是這王喆前生心性劣脫了你骷髏現出中秋月

詠清涼

清涼何所似不與苦寒同半夜臨潭月初秋過雨風

贈范才甫

有姪喚作王五郎其妻喚作我姪女二人做取好因緣兩箇休遭破疾苦若便尋思這汞鉛便令調養真龍虎真龍虎人不識

道藏輯要

重陽全真集

七 下胃集一

赤鳳山傍各一隻守定巢窠共結成東西換過成交易成交易正好行丹田界上殺三彭無人會得雙關義有箇靈童打五更打五更傳消息一派甘泉正好喫便是醍醐灌頂來此中唯我知端的知端的休休姪女姪兒急急修若還不肯聽予言荒郊定作兩骷髏

金蓮社開明疏

竊以慧燈永照須憑玉藥之光性燭長明決得金蓮之耀內沐三光之秀外消四假之名步步虛躡空探玄搜妙洗來瑩淨之鄉出入芳馨之路各懷珠璧共捧瓊瑤顯要全神須令養氣消通斯訣請掛芳銜